

Radononza generala dalla Pleiv catolica romana Trun

Protocol dils 30 da zercladur 2021 allas 20.00 uras en sala da cultura en scola Trun

1. Beinvegni, approvaziun dalla gliesta da tractandas, elecziuns dumbravuschs

Il president fa in cordial beinvegni a tuts presents (total 26). In special beinvegni fa el a nies plevon sur Tomasz.

La gliesta da tractandas ei stada publicada duas gadas el fegl official, l'emprema ga ils 18-06, pia pli ch'il termin da 10 dis tenor art. 16 da nossa constituziun. La radunonza ei pia convocada legalmein.

Las tractandas 2-6 e 8 cun tuttas informaziuns necessarias ein stadas piazzadas odem las baselgias da Schlans, Trun e Zignau.

La gliesta da tractandas vegn amplificada cun la tractanda «Elecziun d'in delegau el Corpus Catholicum» ed approvada unanimamein.

Sco dumbravuschs vegn Gabriela Cajacob elegida unanimamein.

2. Protocol dalla radunonza generala digl 1. da fenadur 2020

Il protocol dalla radunonza generala digl 1. da fenadur 2020 vegn approbaus unanimamein. Cordial engraziament alla actuara Olivia Pfister-Tgetgel.

3. Rapports

a) President

Il president menziunescha in pèr puncts essenzials ord siu rapport. En special declara el dallas circumstanzas ch'il virus da Corona ha caschunau duront igl onn 2020. Negin da nus vess inaga patertgau ch'ins stuessi limitar il diember dals parochians che vulan visitar il survetsch divin. El engrazia per la capientscha sche in ni l'auter ha stuiu ir a casa.

Cun in Babnos essan nus seregurdai dils defuncts. Possien els ruassar en pasch.

b) Administratur dils beins

Igl administratur dils beins, Benedetg Albin, orientescha cuortamein sur da differentas caussas. Il rapport cumplet ei annexaus a quest protocol.

4. Rendaquen per 2020**a) Rapport dil cassier**

Il cassier, Alois Tomaschett, presenta il quen dalla pleiv che siara cun entradas da frs. 375'607.94 ed expensas da frs. 367'841.00 che muntan in gudogn da frs. 7'766.94. La facultad dalla pleiv pils 31.12.2020 munta frs. 639'161.00.

Il quen cumplet ei annexaus a quest protocol.

b) Rapport dils revisurs

En num dils revisurs confirma Gion Friberg

- ch'ils mussaments d'entradas ed expensas ein avon maun
- ch'ils contos da bilanza e dil quen da menaschi corrispundan allas cudischaziuns
- che la facultad corrispunda alla bilanza dils 31-12-2020.
- che la contabilitad ei menada a moda exemplarica

c) Approbaziun dil quen e conclus da scarica

Sin fundament dil rapport da revisiun propona il revisur d'approbar il quen digl onn 2020 cun dar scarica alla suprastanza.

La radunonza approbescha unanimamein il quen 2020 e dat scarica alla suprastanza.

5. Rendaquen dallas fundaziuns per 2020**a) Rapport dil plevon e dil cassier**

Sur Tomasz dat rapport sur dil quen dallas capluttas e messas fundadas. Il cassier Alois dat rapport dalla facultad dils fondos ecclesiastics.

Il quen cumplet ei annexaus a quest protocol.

b) Rapport da gestiun

Il revisur Gion Friberg propona d'approbar il quen.

La radunonza approbescha unanimamein il quen 2020 dallas fundaziuns.

Il president engrazia als funcziunaris dallas differentas fundaziuns pigl engaschi e la buna lavur.

6. Preventiv 2022

Il cassier Alois Tomaschett presenta il preventiv per 2022 cun entradas da frs. 328'900.- ed expensas da frs. 323'500.- che preveda in gudogn da frs. 5'400.-

Il preventiv 2022 ei annexaus al protocol.

La radunonza approbescha unanimamein il preventiv 2022.

7. Fixaziun dil pei da taglia per 2022

La suprastanza propona da schar il pei da taglia sin 15% dalla taglia semplia sco entochen dacheu.

La radonunza decida unanimamein da schar il pei da taglia per 2022 sco tochen dacheu sin 15% dalla taglia semplia dil cantun Grischun.

8. Rapport dalla presidenta dil cussegl pastoral

La presidenta dil cussegl pastoral, Isabelle Defuns-Gamboni, dat in cuort rapport sur dil curriu e passau.

Il rapport ei annexaus a quest protocol.

9. Sanaziun parciala dalla Baselgia Nossadunna dalla Glisch

Alla davosa radonunza generala ei vegniu orientau sur dalla sanaziun parciala previda vid la baselgia da Nossadunna dalla Glisch. Tier la sanaziun parciala audan il tetg baselgia, ils mirs baselgia ordado, il plaz avon baselgia.

Patrick Rothmund da Spacial Design presenta il project dalla sanaziun parciala dalla baselgia NdG. La calculaziun dils cuosts preveda ina summa totala da frs. 735'000.- (annexa).

Ei ha liug ina runda da discussiun e damondas.

Il president Pieder engazia a Patrick. Nus havein dumandau Gabriela Vincenz da surprender l'administraziun per rimar daners per quei project. Grond engraziament ad ella.

La tgira da monuments dil cantun e dalla confederaziun han confirmau mintgamai ina contribuziun da frs. 106'000.-. La Baselgia catolica dil cantun conferma ina contribuiziun da frs. 220'500.-.

Giusep Defuns proponan d'alzar la summa da cuosts dil project total sin frs. 1 Mio. cun integrar ina cumpleina restauraziun dil plaz avon baselgia. Daniel Tuor plaida era per quella varianta che vegn bugen prida encunter. Patrick sclarescha culla tgira da monuments tgei che vegn lubiu.

La radonunza decida da conceder in credit da frs. 1 Mio. per la sanaziun parciala dalla Baselgia Nossadunna dalla Glisch.

10. Dretg da construir pli damaneivel (Überbaurecht) da parcella 2412

Alfred Bühler ha fatg la damonda per in dretg da construir pli damaneivel dalla parcella 2412 ch'ei en dretg da baghegiar ad Eva e Roland Cavelti.

Fis Guldimmann fa endamen che la vischnaunca ha ina lescha, aschia ch'ins duess setener cul prezi da vender quei dretg en medema rama.

La radonunza decida cun 24 gie e 2 na da dar il dretg da construir pli damaneivel (Überbaurecht) a parcella 2412 ad Alfred Bühler sche Eva e Roland Cavelti dattan lur consentiment.

La radunonza decida cun 25 gie ed 1 abstenziun da setener vid la lescha dalla vischnaunca pertuccont ils cuosts da vendita.

11. Elecziun d'in delegau el Corpus Catholicum

La funcziun d'in delegau el Corpus Catholicum ei da separticipar alla radunonza generala e tgirar ils contacts.

La radunonza elegia unanimamein Pieder Decurtins sco delegau el Corpus Catholicum.

12. Varia

Benedetg Albin: la baselgia a NdG vegn lavada o igl 1. da settember, en baselgia parochiala vegn lavau las finiastras. En las baselgias ei vegniu postau in system da pagar las candeilas cun TWINT.

Sur Tomasz engrazia a tuts presents, al president Pieder e la suprastonza; alla catacheta; al cussegl pastoral; als revisurs; allas lecturas; allas calustras e caluster; a tuttas personas activas en nosssa cumminonza.

Isabelle Defuns: il cussegl pastoral ha discurriu da puspei integrar ils ministrants els survetschs divins suenter las vacanzas da scola.

Daniel Tuor: engrazia a sur Tomasz per siu engaschi en Casa sogn Martin.

Pieder engrazia a tuts presents ed alla vischnaunca per far diever dalla sala ed al pedel Lotar.

Trun, ils 30 da zercladur 2021

L'actura: Olivia Pfister-Tgetgel

Visau dil president: Pieder Decurtins